

**REGLUGERÐ**

**um breytingu á reglugerð nr. 289 24. júní 1986, um sérstakt jöfnunargjald af innfluttum kartöflum og vörum unnum úr þeim.**

1. gr.

Við 1. gr. bætist ný málsgrein, svohljóðandi:

Undanþegið gjaldskyldu samkvæmt reglugerð þessari eru kartöflur og vörur unnar úr þeim, enda séu þær fluttar inn sem hráefni til innlendarar iðnaðarframleiðslu og fyrirsvarsmaður viðkomandi fyrirtækis lýsi því yfir á aðflutningskýrslu við tollafgreiðslu hverju sinni, að varan sé eingöngu flutt inn til nota við framleiðslu fyrirtækisins.

2. gr.

Reglugerð þessi, sem sett er samkvæmt heimild í lögum nr. 25 5. maí 1986 um breytingu á lögum nr. 46 27. júní 1985 um framleiðslu, verðlagningu og sölu á búvörum, öðlast gildi þegar í stað.

*Landbúnaðarráðuneytið, 30. október 1986.*

**Jón Helgason.**

*Jón Höskuldsson.*

**REGLUGERÐ**

**um breytingu á reglugerð nr. 274 frá 29. ágúst 1974 um hámarksfjölda leigubifreiða til vöruflutninga á félagssvæði Vörubílstjórafélags Norðfjarðar.**

1. gr.

2. gr. orðist þannig:

Fjöldi leigubifreiða til vöruflutninga á svæðinu takmarkast við hámarkstöluna 10. Þó skal í engu skerða atvinnuréttindi þeirra manna, sem á lögmætan hátt stunda leigubifreiðakstur til vöruflutninga á svæðinu, sbr. 8. gr. laga nr. 36 frá 9. maí 1970 um leigubifreiðar. Þessa tölu má endurskoða á tveggja ára fresti. Áður en ákvörðun er tekin um nýja hámarkstölu skal leita umsagnar Vörubílstjórafélags Norðfjarðar, bæjarstjórnar Neskaupstaðar og hreppsnefndar Norðfjarðar.

2. gr.

Reglugerð þessi, sem sett er samkvæmt heimild í lögum nr. 36 frá 9. maí 1970, um leigubifreiðar, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

*Samgönguráðuneytið, 22. október 1986.*

**Matthías Bjarnason.**

*Sigurður Skúli Bergsson.*